

न्यूज़ीलैंड के लिए तैयारी - कुछ मददगार लिंक्स

न्यूज़ीलैंड में आपन नवा ज़िंदगी के तैयारी करे के लिए, हियाँ कुछ सुझाव देवा जाए है जोन आपके ई पता लगाए में मदत करी कि आपके आए से पहिले अउर आपके हियाँ आए के बाद वाला कुछ हप्ता में आपके कौंची करे के चाही ।

अंग्रेजी भाषा के कुछ वेबसाइट के लिंक हियाँ देवा गए है जोन आपके मदत करे सके है ।

काम भर के पैसा लाओ

जब आप न्यूज़ीलैंड पहला बार पहुँचेगा, तो आपके बहुत चीज़ के लिए पैमेंट करे के पड़ी, जैसे कि :

- भोजन
- गर्म कपड़ा, अउर
- ट्रांसपोर्ट

न्यूज़ीलैंड में बहुत चीज़ पैसिफ़िक आएलेंड्स से जादा महंगा है । न्यूज़ीलैंड में आपके खर्चा केतना होए सके है, इसके अंदाजा लगाए के लिए हम लोंग के वेबसाइट पे देवल टूल युस करो:

www.live-work.immigration.govt.nz/live-in-new-zealand/money-tax/cost-of-living-in-new-zealand

रहे के लिए एक जगह खोजो

अगर आप आपन कोई पलवार के साथे नई रहता है या आपके काम वाला मालिक रहे के जगह नई दीस है, तो आपके रहे के लिए जगह खोजे के पड़ी । आपन काम के नगीच रहे के फैसला एक अच्छा बिचार है, या जहाँ से आपके नवा काम के जगह तक अच्छा ट्रांसपोर्ट है । हम लोंग ई सुझाव देता है कि आप ऐसन जगह रहो जहाँ इंटरनेट है ।

www.live-work.immigration.govt.nz/live-in-new-zealand/housing

आपन टैक्स नम्बा ले लो

काम शुरू करे से पहिले आपके एक आईआरडी (IRD) नम्बा लेवे के जरूरी है । आप IRD के वेबसाइट पे इस के लिए अपलाए करे सकता है ।

www.ird.govt.nz/new-arrival

एक बैंक अकाउंट खोल लो

न्यूज़ीलैंड बैंक अकाउंट खोले के लिए आप ऑनलाइन अपलाए करे सकता है या बैंक जाए के अकाउंट खोले सकता है । तलब जादा करके सीधा बैंक में जमा करा जाए है ।

एक मोबाइल फोन लाओ

आप न्यूज़ीलैंड में आपन मोबाइल फोन तब तक युस करे सकता है जब तक उ अनलॉक है । आपके एआपोर्ट या अउर कोई दुकान में बेचा जाए वाला प्रीपे सिम कार्ड खरीदे के जरूरी है । अगर आपके फोन अनलॉक नई है तो आपके आपन मोबाइल फोन रिटेला से कॉटेक्ट करे के चाही, या आप न्यूज़ीलैंड में एक नवा फोन खरीदे सकता है ।

न्यूजीलैंड के काम वाला संस्कृति के बारे में जान लो

आप अउर आपके साथी पैसिफ़िक वर्क कनेक्ट में जोइन होए सकता है। ई एक फ्री कारीकरम है जोन पैसिफ़िक करीया सलाहकार लॉग करे है जिस में वर्कशाप, वन-टु-वन करीया कोचिंग अउर कई साधन के बारे में सलाह दे है।

www.careers.govt.nz/pacificworkconnect

जगह-जगह कैसे जावा जाए है, सीख लो

जादा करके हियाँ पब्लिक ट्रांसपोर्ट बहुत अच्छा है इसके पैमेंट अकसर नगद या कोई सुपामार्केट से खरीदा गए ट्रेवल कार्ड से करा जाए सके है। आपके पास अगर मोटर है तो आपके घूमे में मदद होए सके है, लेकिन मोटर खरीदे में अउर चलाए में महंगा होए सके है।

नीचे आप के कुछ मददगार गाइड मिले सके है:

- ड्राइविंग कानून
- भारी कर्ज में डूबे बिना मोटर खरीदे के
- न्यूजीलैंड लाइसेंस कैसे मिली

www.live-work.immigration.govt.nz/live-in-new-zealand/getting-started/transport

आपन अंग्रेजी सुधारो

अंग्रेजी भाषा के अच्छा ज्ञान होए से आपके अच्छा नौकरी मिले के उम्मीद बढ़ जाए सके है। अच्छा अंग्रेजी बोले के लिए आपन घर पे प्रैक्टिस करे के एक अच्छा बिचार है। इमिग्रेशन न्यूजीलैंड के वेबसाइट पे आप अंग्रेजी के क्लास कहाँ से ले सकता है, के साथे-साथे कुछ टिप्स ढूँढो:

www.live-work.immigration.govt.nz/live-in-new-zealand/english-language

आपन लड़कन के लिए एक स्कूल खोजो

अगर आपके पास लड़कन है, तो आपके ई शुआ करे के चाही कि आप ऊ लॉग के लिए एक स्कूल खोज लो अउर ऊ लॉग के सेटल कर लो। न्यूजीलैंड में, 6-16 साल के उमर के सब लड़कन के स्कूल जाए के जरूरी है। आप Education.govt.nz वेबसाइट पे जाए के इस के बारे में जाने सकता हैं:

<https://parents.education.govt.nz>

मदत मांगे में संकोच नई करो

सिटिज़न एडवाइस ब्यूरो के न्यूजीलैंड में 30 जगह हैं जोन आपके मिल के सलाह दे सके है:

- पैसा बचाओ अउर बजट लिखो
- डॉक्टर के पास या अस्पताल कैसे जाओ
- आपके काम वाला मालिक या मकान मालिक के साथे प्रोबलम, अउर बहुत कुछ।

www.cab.org.nz

अउर जानकारी

आपके हम लॉग के वेबसाइट पे पैसिफ़िक से न्यूजीलैंड जाए के बारे में अउर जानकारी मिले सके है:

<https://www.live-work.immigration.govt.nz/pacific>